



# COMUNE DE PÀDRIA

## DELIBERATZIONE DE SA GIUNTA COMUNALE N. 4 DE SU 25/01/2021

OGETU: DESTINATZIONE ECONOMIAS ANNU 2021 CHI DERIVANT DAE SA RINÙNTZIA DE SU SÌNDIGU A S'INDENNIDADE DE FUNTZIONE E A SU RIMBURSU DE SAS ISPESAS DE BIÀGIU. LEADA DE ATU E INDICOS.

S'annu duamìgia bintiunu su bintichimbe de su mese de Ghennàrgiu a sas oras 16.30, in s'UFÌTZIU DE SU SÌNDIGU, fatu chi siat esaurimentu de sas formalidades prescritas dae sa lege de s'Istadu e dae s'Istatutu, s'est riunida sa Giunta Comunale suta sa presidèntzia de su SÌNDIGU DOT. MURA AESSANDRO.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n° 3 Ausentes n° 0

Partètzipat su SEGRETÀRIU COMUNALE DOT. PULEDDA ANTONINO, su cale providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e declarat aberta sa setziada pro sa tratatzione de s'ogetu subra marcadu.

## SA GIUNTA COMUNALE

**PREMÌTIDU** chi, a pustis de sas eletziones amministrativas de sa die 11 de làmpadas de su 2017, sunt istados rinnovados sos òrganos comunales;

**TORRADA A CRAMARE** sa deliberatzione de sa Giunta Comunale n. 31 de su 03/07/2017, cun sa cale sunt istados fissados sos importos de sas indennidades de funtzione mensile de sos amministratoros e s'est leadu atu de sa rinùntzia, dae parte de su Sìndigu Dot. Alessandro Mura, a tota s'indennidade pro sa durada de su mandatu elettorale;

**AMMENTADU** chi su subramentovadu Sìndigu at rinunziadu puru, a sos rimbursos de sas ispesas de biàgiu chi tocant in cunforma a s'art. 84, comma 3, de su Dlgs n. 267/2000 e mm.ii.ii.;

**LEADU ATU** chi su rispàrmiu chi resurtat dae cantu subra, cantificadu in €9.365,00 in s'annu 2021, est istadu destinadu, in sede de aprovatzione de su bilàntziu 2021/2023, a contributos pro s'isport, a s'istituzione de bursas-traballu e a s'oferta de unu cursu de formatzione professionale imprenditoriale/cooperativas/ creatzione de impresas destinadu a sos residentes;

**APRETZIADU** de dèvere leare atu de sa destinatzione subra narada e puru vinculare custas summas pro sas finalidades a sas cales sunt istadas destinadas;

**DADU ATU** chi, subra de sa proposta de sa deliberatzione presente, in cantu atu de indiritzu, non sunt netzessàrios sos parres de regularidade tècnica e contàbile in cunforma a s'art, 49, comma 1 de su Dlgs n. 267/2000 e mm.ii.ii.;

### **BIDOS:**

- sa nota de aggiornamentu a su DUP 2021/2023 aprovalu cun deliberatzione de su Consìgiu Comunale n. 35 de su 31/12/2020;
- su Bilàntziu de previsionu finantzariu 2021/2023 aprovalu cun deliberatzione de su Consìgiu Comunale n. 37 de su 31/12/2020;
- s'Istatutu Comunale;
- Su Regulamentu de Contabilidade vigente;

**ATESTADA** sa cumpetèntzia pròpia in cunforma a sas dispositziones normative, istatutàrias e regulamentares vigentes;

**INTESA** sa relata incaritativa a incuru de su Sìndigu, agiudadu dae su Segretàriu comunale;

**ACLARADU** chi sa setziada presente de sa Giunta Comunale s'est acumprida in modalidade telemàtica a manera parziale, in cunforma a s'art. 73 de su DL 18/2020 e mm.ii.ii. e puru a su decretu de su sìndigu n. 2 de su 23.03.2020;

**DADU ATU** chi totu sos partetzipantes a sa setziada:

- ànt àpidu visione e disponibilidade preventiva de sa proposta de deliberatzione chi pertocat s'ogetu;
- ant àpidu s'oportunidade de partetzipare a sos traballos de sa die de oe de sa Giunta Comunale in presèntzia (Mura, Marica e Dettori) siat in relatzione a sa discussione chi in òrdine a sa votatzione, cun su controllu costante de su Segretàriu comunale;

cun votos favorèvoles in su matessi tempus de acordu, esprìmidos a manera legale, in cunforma a cantu subra indicadu

## DELÌBERAT

**DE APROVARE** sas premissas narrativas e motivatzionales a su dispositivu presente chi inoghe si intendent a manera integrale marcadadas e traspostas;

**DE VINCULARE** sas economias de ispessa chi derivant dae sa rinùntzia a s'indennidade de funtzione e a sos rimbursos de biàgiu chi tocant a su Sìndigu Dot. Alessandro Mura, cantificadas in € 9.365,00 pro s'annu 2021, a su finantziamentu de atividades in su campu sotziale, ocupatzionale e ricreativu, segundu sa partzidura sighente:

- €3.000,00 pro contributos a s'isport;
- €4.865,00 pro istituzione de bursas-traballu pro mèdiu de contributos a sos privados;
- € 1.500,00 pro unu cursu de formatzione professionale imprenditoriale /cooperativas / creazione de impresas destinadu a sos residentes;

**DE INCARRIGARE** su Responsàbile de su Servìtziu Finanziàriu in òrdine a sos acumprimentos cunsighentes e netzessàrios a cantu dispostu in su provedimentu presente.

**DE DECLARARE** in fines, cun separada, in su matessi tempus e a sa matessi manera votatzione de acordu, (Mura, Marica e Dettori in presèntzia), sa deliberatzione presente esecutàbile a manera immediata in cunforma a s'art. 134, comma 4, de su D. Lgs. 18 de austu de su 2000, n. 267 e mm.ii.ii., pro s'urgèntzia de assicurare su perfetzionamentu sollìtzitu de sas finalidades suas.

---

Su SÌNDIGU  
DOT. MURA ALESSANDRO

Su SEGRETÀRIU COMUNALE  
DOT. PULEDDA ANTONINO

---

### NOTA De PUBBLICAZIONE N. 77

In cunforma a s'art. 124 de su T.Ù. 267/2000 su Responsàbile de sa Pubblicazione **SEGRETÀRIU COMUNALE DOT. PULEDDA ANTONINO** atestat chi in data 25/01/2021 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduzione de s'operadora de s'isportellu linguìsticu de Pàdria  
Maria Leonarda Correddu

---

Copia digitale di documento informatico firmato digitalmente e prodotto ai sensi del D.Lgs 82/2005 e  
rispettive norme collegate